

هي دي مصر

رَبِّي ذكرها كثير في كتابه
رَبِّي حاميا من أعدائه
هي دي مصر..

بنت جميلة فعز شبابها
ساعة الثورة كتبوا كتابها
كانت فرحانة بشبابها
كانت تحميهم وتضم
خايفة عليهم خوف الأم
إيد بتسلم.. إيد بتضم
فجأة! العدل اتحوّل ظلم
قامت تبكي، وتنزف دم

دم شهيد، وطفل وليد
دم أخوات الإيد في الإيد
دم الأب، ودم الأم
وهي بعلو الصوت بتنادي
شيلوا إديكم دول أولادي
ليه القسوة ليه الظلم؟!
هي دي مصر..
قسوا عليها، باعوها أحبابها
قتلوا الفرحة فكل شبابها
مدت إيدها تشيل أولادها
ودمها سايل مين ينجدها؟
رفعت إيدها تدعي "يارب"
احمي ولادي وشيل الكرب

كانت صادقة - أكيد - في دعاها

نزل الجيش وبقوة حماها

هو دا جيشك ..

هي دي مصر ..

